



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De Thomæ ad eos accessis, & perspecta in eos religione. X.

[urn:nbn:de:hbz:466:1-45790](https://nbn-resolving.org/urn:nbn:de:hbz:466:1-45790)

VITA THOMAE A KEMPIS.

audiamus Malleolum, ita de se capite primo ac de discipulis Florentij differentem.

CAPVT X.

De Thoma Malleoli ad dictos fratres appulso, & apud eos adificatione.

I. Vm igitur studij causa in annis adolescētiæ Dauentriam peruenissem, quæ sui iter pergendi ad regulares in Wyndesem. Ibique inuentis Fratribus canonicis regularibus cum germano meo, hortatu illius inductus sum adire summæ reuerentiæ virum, M. Florentium, Dauentriensis ecclesiæ vicarium sacerdotemq; deuotum: cuius fama dulcissima ad partes superiores iam ascenderat, & in amorem sui mentem meam traxerat: quem frequens turba scholarium, in diuinis rebus agentem, commendare solebat. Visu enim & auditu iustus erat, atque omnium oculis gratiosus: utpote verus Dei cultor, & sanctæ matris ecclesiæ deuotissimus venerator.

2. Venientem ergo ad præsentiam Patris reuerendi, mox pietate motus, aliquantisper me secum in domo tenuit, & ad scholas instituit, datis insuper libris, quibus me egere putauit. Demum hospitium, cum quadam honesta & deuota matrona, gratis impetrauit, quæ mihi & alijs multis clericis sapius bene fecit. Adiunctus itaque tam deuoto viro & fratribus eius, quotidie deuotam eorum conuersationem attendi & inspexi: & gauisus sum ac delectatus in bonis moribus eorum, & in verbis gratiæ, quæ de ore humilium procedebant. Quia nunquam prius tales homines tam deuotos & feruentes in charitate Dei & proximi, me vidisse memini: qui inter seculares viuentes, de seculari vita nihil habebant, nihilque de terrenis negotijs curare videbantur. Nam domi quietè manentes, libris scribendis operam sollicitè dabant: sacris lectionibus & deuotis meditationibus frequenter insistentes, ad iaculatas orationes laboris tempore pro solamine recurrebant. Manè etiam dictis matutinis horis ecclesiam visitabant; & inter Missarum celebrationem, primitias oris sui & cordis suspiria Deo libantes, puras manus & oculos mentis, corpore prostrati, leuabant ad cælum, precibus & lamentis, Deum sibi per hostiam salutarem reconciliari quærentes.

3. Huius eximie congregationis primus institutor & spiritua-
lis Rector extitit Dominus ac M. Florentius, virtutibus ornatus,
& diuina sapientia in agnitione Christi refertus: sacre apostolice
vitæ, cum suis presbyteris & clericis, formam humiliter imitan-
do. Isti ergo, cor vnum & animam vnam in Deo habentes, sin-
guli quæ sua erant in commune conferebant, & simplicem victum
ac vestitum accipientes, de castino cogitare vitabant. Sponte
nam.

VITA THOMAE A KEMPIS.

namque se Deo dicantes, omnes rectori suo aut eius vicario obedire satagebant: & sanctam obedientiam pro summa regula tenentes, totis viribus se ipsos vincere, & passionibus resistere, ac motus propriae voluntatis frangere nitentur: rogantes insuper feruenter, vt pro defectibus & negligentijs suis feriosè corripere-
rentur. Idcirco gratia magna & vera deuotio erat in eis, & multos edificabant verbis & exemplis: atque patienter derisiones se-
cularium ferentes, plures etiam ad seculi contemptum perduce-
bant. Et qui antea illos despexerant, vitam eorum sine honore
tanquam stulticiam existimantes, postea ad Deum conuersi, &
deuotionis gratiam experti, veros Dei seruos & amicos, palam
illos conscientia perurgente, fatebantur.

4. Multi ergo viri ac mulieres, mundana felicitate contenta,
conuersi sunt ad Dominum: & consilijs dilecti patris domini
Florentij imitantes, præcepta dominica seruare, & misericordiae
opera Christiana deuotione in pauperes exercere studuerunt.
Adiuuabant autem eum omnes fratres sui, verbum vitae retinen-
tes; qui tanquam luminaria caeli in medio turbarum lucebant
mundo seascensu. Quidam etiam sacerdotes, scientia diuinæ le-
gis illustrati, strenuè in ecclesia prædicabant: quorum ex prædi-
catione fideles populi, in actibus pijs exercendis & sermonibus
sacris audiendis, salubriter sunt instructi. Hæc ille.

5. Et in vita Arnoldi, quæ habetur capite decimo quarto, dicit
sic: Eodem tempore, adiuuante D. Florentio & consulente, domū
illam (scilicet pauperum studentium) inhabitare cœpi: & ferè per
annum in congregatione illa cum Arnolde permansi, simul vna
camerula vnoque lecto ambo contenti. Ibi quippe didici scribe-
re & sacram scripturam legere, & quæ ad mores spectant, deuo-
tosque tractatus audire. Ad seculi quoque contemptum fortius
animabat, maximè dulci conuersatione fratrum, & pia admoni-
tione Arnoldi, quotidie adiutus & instructus. Quicquid tunc
scribendo lucrari potui, in sumptus communes tradidi: & quod
mihi defuit, larga pietas dilecti domini mei Florentij pro me
persoluit, & paternè in omnibus subuenit. Hæc & his similia in
pluribus locis Thomas noster: quæ vt ab eo scripta sunt, ideo sic
reposui, vt ipsius testimonio probem, quod assumpsi; summi be-
nefici loco deputasse, quod inter sanctos contigisset versari, & a
talibus institui. Nunc paucis absoluamus reliqua.